

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

**PROGRAMA RADA
KONKURENCIJSKOG VIJEĆA BIH
ZA 2014. GODINU**

Sarajevo, januar 2014. godina

1. Uvod

Programom rada utvrđuju se prioriteti u provođenju prava i politike tržišne konkurencije u 2014. godini, te navode aktivnosti Konkurencijskog vijeća pri ostvarivanju nadležnosti iz Zakona o konkurenciji ("Službeni glasnik BiH", br. 48/05, 76/07 i 80/09),.

Konkurencijsko vijeće je zaduženo za provođenje zaštite i promocije tržišne konkurencije na cijelom teritoriju Bosne i Hercegovine, i ima isključivu nadležnost u odlučivanju o postojanju zabranjenog konkurencijskog djelovanja na tržištu Bosne i Hercegovine.

Konkurencijsko vijeće u izradi ovog Programa je uzelo u obzir i Izvještaj Evropske komisije o napretku Bosne i Hercegovine u 2013. godini, koji se odnosi na period od oktobra 2012. godine do septembra 2013. godine, u kome je navedeno da je u oblasti konkurencije ostvaren određeni napredak, i da treba preduzeti dodatne napore da bi se poboljšali postojeći propisi za i povećali administrativni kapaciteti Konkurencijskog vijeća (Izvor: www.delbih.ec.europa.eu).

Aktivnosti Konkurencijskog vijeća u 2014. godini će biti usmjerene na nekoliko prioriteta:

- rješavanje predmeta po zahtjevima privrednih subjekata i po službenoj dužnosti (utvrđivanje zabranjenih sporazuma i zloupotrebe dominantnog sporazuma, ocjena izuzeća sporazuma, ocjena koncentracija), davanje mišljenja na nacрте i prijedloge zakona i drugih propisa iz oblasti koje imaju uticaja na tržišnu konkurenciju, a koje su obavezni dostaviti sami predlagači;
- u cilju povećanja stručnosti zaposlenih kontinuirano će raditi na *capacity building*-u, kroz učešće zaposlenih na radionicama i seminarima u organizaciji institucija u Bosni i Hercegovini i međunarodnih institucija, i kroz implementaciju EU Projekta „*Jačanje razvoja i kapaciteta Konkurencijskog vijeća kroz podršku implementaciji propisa iz oblasti konkurencije i dalje jačanje politke konkurencije*“;
- promocije konkurencije (Program „*Competition Advocacy*“) kroz približavanje različitih aspekata tržišne konkurencije poslovnoj zajednici i drugim nadležnim institucijama s ciljem osiguranja pravilne primjene zakonodavstva i podizanje svijesti i nivoa znanja te upoznavanje stručne i šire javnosti s prioritetima u djelovanju ove institucije kroz promociju tržišne konkurencije. Spomenute aktivnosti uključuju različite aspekte komunikaciju sa privrednim subjektima i njihova udruženja, državnim i tijelima uprave i lokalne samouprave, akademskom zajednicom i širom javnosti) s ciljem podizanja kulture tržišne konkurencije i širenja svijesti i znanja o ulozi prava i politike tržišne konkurencije, odnosno uloge Konkurencijskog vijeća;
- usklađivanje Pravilnika o unutrašnjoj organizaciji i sistematizaciji Konkurencijskog vijeća sa Odlukom o načelima za utvrđivanje unutrašnje organizacije organa uprave Bosne i Hercegovine i Odlukom o razvrstavanju radnih mjesta i kriterijima za opis poslova radnih mjesta u institucijama Bosne i Hercegovine ("Službeni glasnik BiH", broj 30/13), kao i predlaganje nove organizacione strukture;
- nastavak aktivnosti na pripremi izmjene i dopuna važećeg Zakona o konkurenciji (usklađivanje sa EU propisima), uz pomoći eksperata EU projekta;

- planiranje i izvršavanje obaveza iz Revidiranog akcionog plana 1 Strategije reforme javne uprave prema Zaključku Vijeća ministara Bosne i Hercegovine;
- priprema i usvajanje dokumenta „Strateško planiranje Konkurencijskog vijeća“ koji ima za cilj strukturalno poboljšanje rada Konkurencijskog vijeća, unapređenje radnih sposobnosti (edukacija), uvođenje kriterija mjerljivost rezultata rada, smjernice za unapređenje organizacione strukture i podizanje inventnosti rada. Bitan segment aktivnosti Konkurencijskog vijeća je provođenje „Plana borbe protiv korupcije u Konkurencijskom vijeću“ sa mjerama radi postizanja cilja „zero korupcija“ u Konkurencijskom vijeću.

Konkurencijsko vijeće će u skladu s članom 98. Zakona o zaštiti potrošača („Službeni glasnik BiH“, broj 25/06) nastaviti sa provođenjem svojih nadležnosti u cilju dobrobiti potrošača, kao i ispunjavanje obaveza iz segmenta konkurencije, utvrđenih u Sporazumu o stabilizaciji i pridruživanju kao i izvršavanje obaveza.

Ovim Programom rada se jasno definišu ciljevi i prioritete djelovanja Konkurencijskog vijeća u sljedećoj godini, i istovremeno osigurava transparentnost rada i otvorenost poslovnoj i stručnoj javnosti osiguravanjem jednakih uslova djelovanja na tržištu za sve privredne subjekte kao i stvaranjem posljedične dobrobiti za potrošače, te doprinosi daljnjoj afirmaciji konkurencijskog djelovanja na teritoriji Bosne i Hercegovine.

Za provođenje Programa rada Konkurencijskog vijeća za 2014. godinu predložen je budžet u iznosu od 1.288.000,00 KM.

Izvršenje budžeta pratit će se u okviru iznosa odobrenih operativnim budžetom, izdavanjem zahtjeva za plaćanje i vođenjem evidencije o budžetskim transakcijama koristeći automatizovani sistem Glavne knjige Trezora a u skladu sa instrukcijama i Pravilnikom o finansijskom izvještavanju institucija Bosne i Hercegovine, blagovremeno će se sačinjavati i dostavljati Ministarstvu finansija i trezora BiH finansijski izvještaji o izvršenju budžeta u skladu sa propisanim rokovima.

2. Aktivnosti Konkurencijskog vijeća u 2014. godini

2.1. Zaštita tržišne konkurencije

Aktivnosti će biti usmjerene na rješavanje predmeta po zahtjevima privrednih subjekata i po službenoj dužnosti (utvrđivanje zabranjenih sporazuma i zloupotrebe dominantnog sporazuma, ocjena izuzeća sporazuma, ocjena koncentracija), davanje mišljenja na nacрте i prijedloge zakona i drugih propisa.

Analizom ostvarenja Programa rada iz 2013. godine te imajući u vidu i podatke o povećanom broju zaprimljenih predmeta u 2013. godini u odnosu na 2012. godinu (povećanje broja predmeta za 62,5%), Konkurencijsko vijeće planira:

Tabela 1.

R.b.	Vrsta predmeta	Planirano	Rok
1.	Ocjena zabranjenih sporazuma	Bez značajnih promjena	kontinuirano
2.	Zloupotreba dominantnog položaja	Bez značajnih promjena	kontinuirano
3.	Ocjena dopuštenosti koncentracija	Povećanje	kontinuirano
4.	Davanje mišljenja na nacрте i prijedloge zakona i drugih propisa	Bez značajnih promjena	kontinuirano

5.	Davanje mišljenja i preporuke o bilo kom aspektu konkurencije po zahtjevu ili po službenoj dužnosti	Bez značajnih promjena	kontinuirano
6.	Periodična analiza tržišta po sektorima	Povećanje	kontinuirano

2.1.1. Zabranjeni sporazumi

Zabranjeni su sporazumi, ugovori, pojedine odredbe sporazuma ili ugovora, zajednička djelovanja, izričiti i prećutni dogovori privrednih subjekata, kao i odluke udruženja privrednih subjekata (u daljem tekstu: sporazumi) koji za cilj i posljedicu imaju sprječavanje, ograničavanje ili narušavanje tržišne konkurencije na relevantnom tržištu, a koji se odnose na:

- a) direktno ili indirektno utvrđivanje kupovnih i prodajnih cijena ili bilo kojih drugih trgovinskih uvjeta;
- b) ograničavanje i kontrolu proizvodnje, tržišta, tehničkog razvoja ili ulaganja;
- c) podjelu tržišta ili izvora snabdijevanja;
- d) primjenu različitih uvjeta za identične transakcije sa drugim privrednim subjektima, dovodeći iste u nepovoljan položaj u odnosu na konkurenciju;
- e) zaključivanje takvih sporazuma kojima se uvjetuje druga strana da prihvati dodatne obaveze koje po svojoj prirodi ili običajima u trgovini nisu u vezi sa predmetom sporazuma.

Konkurencijsko vijeće u 2014. godini će usmjeriti aktivnosti na otkrivanju i sprječavanju naročito teških oblika zabranjenih sporazuma (posebno kartelnih sporazuma na tržištu uz korištenje mehanizma lenency policy -opraštanje ili smanjenje kazne privrednim subjektima koji prijave ovakav sporazum).

2.1.2. Zloupotreba dominantnog položaja

Privredni subjekat ima dominantan položaj na relevantnom tržištu roba ili usluga, ako se zbog svoje tržišne snage može ponašati u značajnoj mjeri nezavisno od stvarnih ili mogućih konkurenata, kupaca, potrošača ili dobavljača, također uzimajući u obzir udio tog privrednog subjekta na relevantnom tržištu, udjele koje na tom tržištu imaju njegovi konkurenti, kao i pravne i druge zapreke za ulazak drugih privrednih subjekata na tržište.

Zloupotreba dominantnog položaja se posebno odnosi na:

- a) direktno ili indirektno nametanje nelojalnih kupovnih i prodajnih cijena ili drugih trgovinskih uvjeta kojima se ograničava konkurencija;
- b) ograničavanje proizvodnje, tržišta ili tehničkog razvoja na štetu potrošača;
- c) primjenu različitih uvjeta za istu ili sličnu vrstu poslova sa ostalim stranama, čime ih dovode u neravnopravan i nepovoljan konkurentski položaj;
- d) zaključivanje sporazuma kojima se uslovljava da druga strana prihvati dodatne obaveze koje po svojoj prirodi ili prema trgovinskom običaju nemaju veze sa predmetom takvog sporazuma.

Postojanje dominantnog položaja jednog ili više privrednih subjekata na relevantnom tržištu, nije zabranjeno, odnosno prihvatljivo je ukoliko predstavlja rezultat pozitivnog poslovanja, kvalitetnog asortimana proizvoda, inovacija, i td. koje mu u tom slučaju daju opravdanu prednost na tržištu u odnosu na konkurente. Međutim, zabranjena je svaka zloupotreba takvog položaja.

Konkurencijsko vijeće će u 2014. godini nastaviti poduzimati potrebne mjere na sprječavanju zloupotrebe dominantnog položaja privrednih subjekata, kako bi se osigurali podjednaki uslovi za sve privredne subjekte na tržištu.

2.1.3. Koncentracije

Koncentracijom se smatra:

- a) spajanje ili pripajanje nezavisnih privrednih subjekata ili dijelova privrednih subjekata;
- b) stjecanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to:
 - 1) stjecanjem kupovinom većine dionica ili udjela osnovnog kapitala; ili
 - 2) stjecanjem većine prava glasa; ili
 - 3) na drugi način u skladu sa odredbama zakona koji reguliraju osnivanje privrednih subjekata i njihovo upravljanje.
- c) zajedničko ulaganje na dugoročnoj osnovi, dva ili više nezavisnih privrednih subjekata, koje djeluje kao nezavisan privredni subjekat

Koncentracija je zabranjena samo ako se utvrdi da će nepovoljno djelovati na tržišnu konkurenciju i uzrokovati stvaranje novog ili jačanje postojećeg dominantnog položaja jednog ili više privrednih subjekata. Privredni subjekti mogu dokazati da će koncentracija dovesti do jačanja tržišne konkurencije koja će biti značajnija od negativnih učinaka stvaranja ili jačanja njihova dominantnog položaja.

Koncentracije privrednih subjekata, ukoliko nisu suprotne Zakonu o konkurenciji mogu imati pozitivne efekte na tržište u vidu jačanja konkurentnog djelovanja kao i koristi koju će imati potrošači kao krajnji korisnici.

Uzimajući u obzir podatke iz predhodnih godina, u 2014. godini se očekuje povećanje broja prijava koncentracija.

2.1.4. Mišljenja i preporuke

Zakonom o konkurenciji je utvrđena nadležnost Konkurencijskog vijeća davanje mišljenja i preporuka o bilo kom aspektu konkurencije, uključuje i davanje mišljenja na nacрте i prijedloge zakona i drugih propisa iz oblasti koje imaju uticaja na tržišnu konkurenciju.

Prema dosadašnjoj praksi davanje mišljenja o različitim aspektima konkurencije predstavlja jedan od značajnijih oblika promocije tržišne konkurencije, te je radi toga i ova aktivnost prioritet u 2014. godini.

U cilju identifikovanja eventualnih povreda konkurencije Konkurencijsko vijeće će sprovoditi analize sektora /oblasti (telekomunikacija, energetska sektor, trgovina na veliko i malo /sektor profesionalnih usluga itd), na osnovu kojih će preduzeti određene mjere predviđene Zakonom o konkurenciji.

2.2. Zaštita i promocija tržišne konkurencije

Jednu od značajnijih aktivnosti Konkurencijskog vijeća čini Program promocije tržišne konkurencije tzv. "*Competition Advocacy*". Program je započet u 2005. godini sa ciljem promovisanja tržišne konkurencije kao jednog od aspekata djelovanja privrednih subjekata na tržištu Bosne i Hercegovine. Svrha ovog programa je

upoznavanje privrednih subjekata, državnih organa, nevladinih organizacija, kao i šire javnosti sa ulogom i značajem koju pravo tržišne konkurencije ima u uspostavljanju, zaštiti i promociji poštene i slobodne tržišne konkurencije, kao i razvoju ekonomske saradnje između privrednih subjekata.

Promovisanje tržišne konkurencije se ostvaruje i putem stalnog informisanja, kao i obavještenjima za javnost, te davanjem intervjua domaćim i stranim medijima, ali i blagovremenim slanjem odgovora na različite upite fizičkih i pravnih lica. Rad Konkurencijskog vijeća je transparentan i javan, tako da se svi propisi vezani za zaštitu tržišne konkurencije, konačne odluke, presude Suda BiH, izvještaji o radu, saopćenja sa sjednica i drugi akti mogu naći na web stranici: www.bihkonk.gov.ba.

Promocija tržišne konkurencije (Competition Advocacy) ima za cilj u 2014. godini nastaviti aktivnosti provođenja aktivne politike promocije tržišne konkurencije, na način da poslovnoj zajednici kao i nadležnim institucijama kroz različite oblike promocije, približi principe, ulogu i važnost prava i politike zaštite tržišne konkurencije za dalji razvoj tržišne ekonomije u Bosni i Hercegovini.

Također, promocija tržišne konkurencije bit će realizovane preko EU projekta "Support to the Implementation of Competition regulations in BiH and further strengthening of Competition policy (including State Aid Component)" (koji treba da započne krajem januara 2014. godine) organizovanje različitih seminara, radionica, okruglih stolova sa poslovnom zajednicom, udruženjima poslodavaca itd.).

Za provođenje ovih aktivnosti u 2014. godini predloženi iznos sredstva u budžetu Konkurencijskog vijeća na poziciji ugovorene i druge posebne usluge iznose ukupno **27.000,00 KM**, te na poziciji putnih troškova ukupno **33.000,00 KM**.

Tabela 2.

R.b.	Planirana aktivnost	Rok
1.	Informisanje javnosti o aktivnostima putem medija	kontinuirano
2.	Objava propisa i odluka na internet stranici	kontinuirano
3.	Organizovanje i održavanje seminara i radionica samostalno i zajedno sa EU projektom	kontinuirano

2.2.1. Propisi i praksa iz oblasti tržišne konkurencije

Značajno mjesto u radu Konkurencijskog vijeća predstavlja kontinuirana aktivnost na usklađivanju propisa iz oblasti konkurencijskog prava sa propisima i praksom Evropske unije (*acquis communautaire*), a u postizanju toga cilja će pomoći i eksperti EU Projekt.

Tabela 3.

R. b.	Naziv aktivnosti	Rok
1.	Inicijativa -prijedlog izmene i dopune Zakona o konkurenciji	april - decembar
2.	Usklađivanje postojećih podzakonskih akata s pravnom stečevinom Evropske unije iz oblasti tržišne konkurencije	kontinuirano
3.	Analiza novih direktiva Evropske unije iz oblasti tržišne konkurencije	kontinuirano

Napomena: s obzirom na specifičnost i složenost prava i politike zaštite konkurencije, a posebno kada se radi o izmjenama zakonodavnog okvira nije moguće u potpunosti predvidjeti završetak tih aktivnosti u 2014. godini.

3. Unutrašnja organizacija i poslovanje

3.1. Interni akti

Konkurencijsko vijeće će usvojiti /predložiti interne akte u 2014. godini:

Tabela 4.

R. b.	Naziv aktivnosti	Rok
1.	Prijedlog Pravilnika o unutrašnjoj organizaciji i sistematizaciji Konkurencijskog vijeća	svibanj - decembar
2.	Izveštaj o radu za 2013. godinu	januar - februar
3.	Program rada za 2014. godinu	Januar - februar
4.	Plan javnih nabavki za 2014. godinu	januar - mart
5.	Dokumenat „Strateško plan Konkurencijskog vijeća“	mart - svibanj
6.	Plana borbe protiv korupcije u Konkurencijskom vijeću	kontinuirano
7.	Ostali interni akti	kontinuirano

Konkurencijsko vijeće kao i druga tijela uprave u Vijeću ministara Bosne i Hercegovine, će izvršiti obavezu usklađivanje Pravilnika o unutrašnjoj organizaciji i sistematizaciji sa Odlukom o načelima za utvrđivanje unutrašnje organizacije organa uprave Bosne i Hercegovine i Odlukom o razvrstavanju radnih mjesta i kriterijima za opis poslova radnih mjesta u institucijama Bosne i Hercegovine.

Konkurencijsko vijeće će predložiti izmjene Pravilnika o unutrašnjoj organizaciji i sistematizaciji – promjene organizacione strukture, broja (važeći Pravilnik je usvojen 2007. godine - ukupno 26 zaposlenih (6 članova Konkurencijskog vijeća, 16 državnih službenika i 4 uposlenika). Napomena: završetak aktivnosti oko izmjene predmetnog Pravilnika isključivo će zavisiti od budžetskih sredstava odobrenih Konkurencijskom vijeću u narednoj godini.

U budžetu Konkurencijskog vijeća za 2014. godinu na pozicijama bruto plate i naknade troškova uposlenih predložena su novčana sredstva u iznosu od 976.000,00 KM.

3.2. Stručna edukacija zaposlenih u Konkurencijskom vijeću

Jedan od zadataka Konkurencijskog vijeća bit će jačanje stručnih i administrativnih kapaciteta potrebnih za rad na najsloženijim predmetima iz oblasti tržišne konkurencije putem konstantne edukacije i usavršavanja (ovo uključuje i aktivnosti eksperata EU projekta kroz organizovanje seminara i radionice na različitim tememama vezanim za „Važnost i uloga politike i prava tržišne konkurencije i njene primjene na tržištu u Bosni i Hercegovini“).

Nadalje, obuka zaposlenih se planira i kroz različite programe koji će se provoditi u skladu sa Odlukom o načinu i postupku ostvarivanja prava na naknadu za obrazovanje i stručno usavršavanje u institucijama Bosne i Hercegovine („Službeni glasnik BiH“, broj 77/09).

Tabela 5.

R.b.	Naziv aktivnosti	Rok
1.	Učešće na seminarima i radionicama EU projekta	kontinuirano
2.	Učešće na domaćim i međunarodnim konferencijama, seminarima i radionicama iz oblasti tržišne konkurencije	kontinuirano
3.	Učešće na radionicama TAIEX program	kontinuirano
4.	Učešće na radionicama i seminarima u organizaciji Agencije za državnu službu Bosne i Hercegovine	kontinuirano

4. Saradnja s drugim institucijama

4.1. Saradnja sa regulatornim tijelima u Bosni i Hercegovini

Konkurencijsko vijeće će nastaviti unapređivati saradnje s regulatornim tijelima u Bosni i Hercegovini s ciljem dalje liberalizacije tržišta, odnosno povećanja tržišne konkurencije:

Tabela 6.

R.b.	Naziv aktivnosti	Rok
1.	Saradnja sa regulatornim tijelima iz sektora energetike	kontinuirano
2.	Saradnja sa regulatornim tijelom iz sektora telekomunikacija	kontinuirano
3.	Saradnja sa regulatornim tijelima iz sektora bankarstva	kontinuirano
4.	Saradnja sa drugim regulatornim sektorskim tijelima	kontinuirano

4.2. Saradnja sa drugim tijelima i institucijama u Bosni i Hercegovini

U cilju unapređenju rada i promocije tržišne konkurenciji nastavit će se i proširivati saradnju sa tijelima i institucijama u Bosni i Hercegovini.

Tabela 7.

R.b.	Naziv aktivnosti	Rok
1.	Saradnja sa Ministarstvom vanjske trgovine i ekonomskih odnosa Bosne i Hercegovine i ministarstvima trgovine na entiteta i Brčko distrikta BiH	kontinuirano
2.	Saradnja sa udruženjima i Ombudsmanom za zaštitu potrošača	kontinuirano
3.	Saradnja sa agencijom /zavodima za statistiku	kontinuirano
5.	Saradnja sa advokatskim komorama	kontinuirano

4.3. Međunarodna saradnja

Konkurencijsko vijeće će nastaviti razvijati i proširivati uspostavljenu bilateralnu / multilateralnu saradnju s organizacijama i institucijama iz oblasti konkurencije.

Tabela 8.

R.b.	Naziv aktivnosti	Rok
1.	Saradnja s međunarodnim organizacijama i institucijama (EC-DG Competition, ICN, WB, OECD, FTC, UNCTAD, EBRD i dr.)	Kontinuirano
2.	Zaključivanje memoranduma o saradnji s komisijama za zaštitu konkurencije ostalih zemalja regiona i sa zemljama Evropske unije	Kontinuirano

Za provođenje navedenih aktivnosti predložena sredstva u budžetu Konkurencijskog vijeća za 2014. godinu nalaze se na poziciji putnih troškova.

5. Ostale aktivnosti

5.1. Učešće u radu drugih tijela i institucija

Članovi Konkurencijskog vijeća će nastaviti učestvovati:

- u odboru /pododbora za provođenje privremenog Sporazuma o stabilizaciji i pridruživanju Bosne i Hercegovine i Europske unije;
- u Vijeću za zaštitu potrošača BiH i drugim komisijama /tijelima.

5.2. Tehnička podrška radu

Konkurencijsko vijeće namjerava:

- tehnički nadograditi informatički sistem, što će uticati na veću efikasnost rada i omogućiti veću transparentnost i interaktivnost u radu;
- unaprijediti sistem interne komunikacije (npr. interni news lettera, online i video link), što treba osigurati bolju informiranost zaposlenih i direktnu komunikaciju sa uredima u Mostaru i Banja Luci;
- formiranje /proširenje interne baze podataka (analizama završenih predmeta, analizama sektora itd).

Također, Konkurencijsko vijeće će kontinuirano nastaviti s aktivnostima na proširenju biblioteke, sa stručnom literaturom Evropske unije i zemalja regije.

5.3. Osiguranje prostora za rad

Konkurencijsko vijeće je za rad i djelovanje unajmilo prostor u Sarajevu (360,41 m²), kao i prostor za Ured za konkurenciju u Banja Luci (19,0 m²) i Ured za konkurenciju u Mostaru (18,0 m²), kao organizacijske jedinice Konkurencijskog vijeća izvan njegovog sjedišta.

*Za provođenje navedenih aktivnosti predloženi iznos novčanih sredstava u budžetu Konkurencijskog vijeća na poziciji troškovi zakupa u iznosu od **81.000,00 KM**, na poziciji izdaci za energiju i komunalne usluge u iznosu od **15.000,00 KM**, na poziciji izdataka za telefonske i poštanske usluge u iznosu od **19.000,00 KM**, na poziciji ugovorene i druge posebne usluge iznose ukupno **27.000,00 KM**, te na poziciji putnih troškova ukupno **33.000,00 KM**.*

Na osnovu odluke Vijeća ministara Bosne i Hercegovine Konkurencijsko vijeće, sredinom 2014. godine, će preseliti u zgradu u vlasništvu zajedničkim institucija (Titova 9a).

5.4. Nabavka materijala

Nabavka opreme u 2014. ili 2015. godini će se izvršiti iz sredstava EU projektu, a dinamika realizacije će biti naknadno utvrđena.

*U budžetu za 2014. godinu su predviđeni izdaci za tekuće održavanje u iznosu od **8.000,00 KM** (za nabavka uredskog i drugog materijala).*

6. Administrativne takse i novčane kazne

U skladu sa Odlukom o visini administrativnih taksi u vezi s procesnim radnjama pred Konkurencijskim vijećem („Službeni glasnik BiH“ broj 30/06 i 18/11), Konkurencijsko vijeće na podnesene zahtjeve, donesena konačna rješenja, zaključke, kao i druge donesene odluke, naplaćuje administrativne takse.

Također, Konkurencijsko vijeće u skladu s čl. 48. i 49. Zakona o konkurenciji, može izreći novčane kazne privrednim subjektima do 1,0% odnosno do 10,0% vrijednosti njihovog ukupnog godišnjeg prihoda, kao i kazne za odgovorna lica tih privrednih subjekata u iznosu od 5.000,00 KM do 50.000,00 KM, zavisno od vrste povrede odredbi Zakona o konkurenciji.


U 2014. godini očekuje se prikupljanje budžetskih prihoda od administrativnih taksi i novčanih kazni približno u iznosu iz 2013. godine.

7. Zaključak

Programom rada Konkurencijskog vijeća za 2014. godinu su jasno definisani prioriteti daljeg djelovanja Konkurencijskog vijeća, prije svega utvrđeni odredbama Zakona o konkurenciji (sprječavanje zabranjenih konkurencijskih djelovanja i „*Competition Advocacy*“). Konkurencijsko vijeće će nastaviti djelovati na promociji tržišne konkurencije i daljnjoj afirmaciji tržišne konkurencije u Bosni i Hercegovini, u cilju jačanja jedinstvenog ekonomskog prostor i jednakih uslova za rad svih privrednih subjekata na tržištu u Bosni i Hercegovini.

Također, Konkurencijsko vijeće u 2014. godini će nastaviti provođenje obaveza iz privremenog Sporazuma o stabilizaciji i pridruživanju Bosne i Hercegovine i Europske unije, preporuka iz Izvještaja Evropske komisije, kao i saradnju sa međunarodnim institucijama i tijelima za konkurenciju.

Program rada može biti dopunjen drugim aktivnostima u cilju uspješnog izvršavanja poslova i zadataka iz nadležnosti Konkurencijskog vijeća, u skladu sa Uputstvom o postupku pripreme programa rada Vijeća ministara Bosne i Hercegovine („Službeni glasnik BiH“, broj 21/07), a nadležne institucije će biti o istima blagovremeno obaviještene.



Broj: 01-02-3-27-I-/14
Sarajevo, 22. Januar 2014. godina